



O'ZBEKISTON RESPUBLIKASI XORAZM VILOYATI
BOG'OT TUMANI HOKIMINING
QARORI

Bog'otshaharchasi, O'zbekistonko'chasi, 18-uy

2020-yil 10 - dekabr

2623 son

Bog'ot shaharchasi

2021 йилда туманда фойдаланишдан чикиб кетган ерларни қайта фойдаланишга киритиш, сув тежовчи технологияларни жорий қилиш, интенсив боғ ва тоқзорлар ташкил қилиш лойиҳаларини амалга ошириш ҳамда янгидан техникаларни сотиб олиш чора-тадбирлари тўғрисида

Ўзбекистон Республикаси Бош вазирининг ўринбосари Ш.М.Ғаниевнинг 2020 йил декабр ойида Хоразм вилоятига таширифи давомида ўтказилган йиғилишда берилган топшириқлар ижросини таъминлаш, шунингдек, 2021 йилда фойдаланишдан чикиб кетган ерларни қайта фойдаланишга киритиш, сув тежовчи технологияларни жорий қилиш, интенсив боғ ва тоқзорлар ташкил қилиш лойиҳаларини амалга ошириш мақсадида, Ўзбекистон Республикасининг “Маҳаллий давлат ҳокимияти тўғрисида” Қонунининг 6-моддасига асосан

ҚАРОР ҚИЛАМАН:

1. Ўзбекистон Республикаси Бош вазирининг ўринбосари Ш.М.Ғаниевнинг 2020 йил Хоразм вилоятига таширифи давомида ўтказилган мажлисда берилган топшириқлар раҳбарлик ва ижро учун қабул қилинсин.

2. Ўзбекистон Республикаси Бош вазирининг ўринбосари Ш.М.Ғаниевнинг 2020 йил декабрь ойидаги Хоразм вилоятига таширифи давомида ўтказилган мажлисда берилган топшириқларнинг ижросини таъминлаш бўйича туман ишчи гуруҳи тузилсин ва таркиби 1-иловага мувофиқ тасдиқлансин.

3. Туман кишлоқ хўжалиги бўлими, туман тараккиёт ва камбағалликни қисқартириш бўлими, туман ер ресурслари ва давлат кадастр бўлими, туман ирригация бўлими, туман фермер, деҳқон хўжаликлари ва томорқа ер эгалари кенгашининг таклифларини инобатга олиб, қуйидагилар:

туманда 2021 йилда фойдаланишдан чикиб кетган суғориладиган ерларни қайта фойдаланишга киритиш прогноз кўрсаткичлари 2-иловага мувофик;

туманда фермер хўжаликлари томонидан 2021 йилда сув тежовчи технологиялари жорий этиладиган пахта майдонларининг манзилли рўйхати 3-иловага мувофик;

туманда 2021 йилда ташкил этиладиган интенсив боғ ва токзорларнинг манзилли рўйхати 4 ва 5-илваларга мувофик;

туманда 2021 йилда амалга ошириладиган совуткичли сиғимлар ташкил этиш манзилли рўйхати 6-иловага мувофик;

туманда 2021 йилда амалга ошириладиган чорвачилик лойиҳаларининг манзилли рўйхати 7-7,2-иловага мувофик;

туманда 2021 йилда амалга ошириладиган аҳоли хонадонларига тиксуғориш қудуклари ўрнатиш манзилли дастури 8-иловага мувофик;

туманда 2021 йилда амалга ошириладиган аҳоли хонадонларида тадбиркорликни ташкил қилиш бўйича манзилли дастур 9-иловага мувофик;

туманда 2021 йилда янгидан сотиб олинадиган қишлоқ хўжалиги техникалари рўйхати 10-иловага мувофик;

4. Туман ҳокимининг қишлоқ ва сув хўжалиги масалалари бўйича ўринбосари (Э.Худайберганов), туман ер ресурслари ва давлат кадастр бўлими (Қ.Хўсинов) боғдорчилик, узумчилик, доривор ўсимликлар етиштириш, чорвачилик, балиқчилик лойиҳалари ташаббускорларига белгиланган тартибда зарур ер майдонлари ажратилишини таъминласин.

5. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари (С.Қурбонов): “Агробанк” АТБ туман филиали (Б.Жобборов), АТ Халқ банки туман филиали (А.Сапаев), “Микрокредитбанк” АТБ туман филиали (Ф.Олимов) ва бошқа тижорат банклари билан биргаликда боғдорчилик, узумчилик, чорвачилик, балиқчилик ва асаларичилик лойиҳаларини амалга ошириш учун зарур кредитлар ажратиш;

туман ҳокимлиги молия бўлими (Ж.Рўзметов) амалга ошириладиган лойиҳалар ташаббускорларига белгиланган тартибда тасдикланадиган рўйхатга асосан субсидия ажратишда амалий ёрдам кўрсатиш чораларини кўрсин.

6. Қуйидагилар:

Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари (С.Қурбонов) – ташаббускорлар томонидан 2021 йилда интенсив боғ ва токзорлар барпо қилиш ҳамда совуткичли сиғимлар ташкил этишга;

туман ҳокимининг қишлоқ ва сув хўжалиги масалалари бўйича ўринбосари (Э.Худайберганов), туман қишлоқ хўжалиги бўлими (Б.Ямғуров), туман ирригация бўлими (С.Ибрагимов), туман ветеринария ва чорвачиликни ривожлантириш бўлими (Ғ.Сапаев) – фойдаланишдан чикиб кетган суғориладиган ерларни қайта фойдаланишга киритиш ва сув тежовчи

технологияларни жорий этиш, чорвачилик, баликчилик лойиҳаларини амалга оширишга;

Ўзбекистон Республикаси Вазирлар Маҳкамаси ҳузуридаги Агросаноат мажмуи устидан назорат қилиш инспекцияси туман бўлими (М.Қурбонов) —интенсив боғ ва токзорлар барпо қилиш, сув тежовчи технологиялар жорий қилиш ҳамда хизматлар сифатли кўрсатилиши, бу борада тузилган шартномавий мажбуриятлар тўлиқ бажарилиши юзасидан тизимли назорат ўрнатилиши учун шахсан жавобгар эканликлари белгилаб қўйилсин.

7. Мазкур қарорнинг бажарилишини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари С.Қурбонов ҳамда қишлоқ ва сув хўжалиги масалалари бўйича ўринбосари Э.Худайбергенов зиммаларига юклатилсин.

Туман ҳокими



О.Холбоев